

Odluka kojom se donosi Proračun Federacije Bosne i Hercegovine za 2003. godine

Koristeći se ovlastima koja su mi povjerena u članku V Aneksa 10. (Sporazum o implementaciji civilnog dijela Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja gore navedenog Sporazuma o provedbi civilnog dijela Mirovnog ugovora; i posebno uvezvi u obzir članak II 1. (d) istog Sporazuma prema kojem Visoki predstavnik "pomaže, kada Visoki predstavnik to ocijeni neophodnim, u rješavanju svih problema koji se pojave u svezi sa implementacijom civilnog dijela Mirovnog ugovora";

Pozivajući se na stavak XI.2 Zaključaka Konferencije za implementaciju mira održane u Bonu 9. i 10. prosinca 1997. godine, u kojem je Vijeće za implementaciju mira pozdravilo namjeru Visokog predstavnika da iskoristi svoj konačni autoritet u zemlji u svezi sa tumačenjem Sporazuma o implementaciji civilnog dijela Mirovnog ugovora, kako bi pomogao u iznalaženju rješenja za probleme u skladu sa gore navedenim "donošenjem obavezujućih odluka, kada to ocijeni neophodnim", o određenim pitanjima, uključujući i (prema podstavu (c) stavka XI.2) mjere kojima se osigurava implementacija Mirovnog sporazuma na cijeloj teritoriji Bosne i Hercegovine i njenih entiteta;

Uzimajući u obzir činjenicu da je Predstavnički dom Parlamenta Federacije Bosne i Hercegovine 10 prosinca 2002 godine usvojio Proračun Federacije za 2003 godinu ;

Uzimajući u obzir nadalje i činjenicu da Dom naroda potreban za usvajanje proračuna još nije konstituiran, te da najvjerovaljnije neće biti oformljen do kraja prosinca;

Uvažavajući činjenicu da će svako dalje odlaganje usvajanja Proračuna Federacije za 2003 godinu za rezultat imati ozbiljne finansijske i ostale reperkusije za Federaciju Bosne i Hercegovine, uključujući dovođenje u opasnost sposobnost Federacije da (i) obezbijedi potrebne javne službe; (ii) nastavi sa krucijalnim financijskim aranžmanima za federaciju; i (iii) ispuni svoje domaće i međunarodne fiskalne obveze u datom roku;;

Imajući u vidu i činjenicu da će stand by aranžman MMF-a biti prekinut ako Proračun Federacije Bosne i Hercegovine ne bude usvojen do 16 prosinca;

Uvezvi u obzir činjenicu i dalje posljedice vezane za neusvajanje Proračuna Federacije za 2003 godinu na vrijeme;

Razmotrivši i imajući na umu sva gore navedena pitanja, Visoki predstavnik donosi slijedeći

ODLUKU

KOJOM SE DONOSI PRORAČUN FEDERACIJE BOSNE I HERCEGOVINE ZA 2003 GODINU

Proračun Federacije Bosne i Hercegovine za 2003 godinu koji slijedi uključujući Aneks A i koji predstavlja sastavni dio ove odluke stupa na snagu u skladu sa Člankom 7 na privremenoj osnovi, sve dok ga Parlament Federacije Bosne i Hercegovine ne usvoji u istom obliku, bez izmjena i dopuna i postavljanja bilo kakvih uslova. Ova Odluka stupa na snagu odmah i bez odlaganja se objavljuje u "Službenim novinama Federacije Bosne i Hercegovine".

Sarajevo, 16 prosinac 2002. godine

*Paddy Ashdown
Visoki predstavnik*